



Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04), Odluke o izvršavanju Budžeta Općine Centar Sarajevo za 2025. godinu (Službene novine Kantona Sarajevo, broj: 06/25, 10/25, 27/25 i 40/25), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24), Pravilnika o uslovima i načinu dodjele finansijskih sredstava namijenjenih za podršku poslovanja fizičkih lica koji obavljaju trgovačku djelatnost na području Općine Centar Sarajevo (broj: 11/B-11-6737/25 od 27.11.2025. godine), i Odluke o pokretanju postupka raspisivanja i provođenja javnog poziva (broj: 11/B-11-6738/25 od 27.11.2025. godine), Općinski načelnik o b j a v l j u j e:

JAVNI POZIV

**za dodjelu finansijskih sredstava namijenjenih za podršku poslovanja fizičkih lica koji obavljaju
trgovačku djelatnost na području Općine Centar Sarajevo za 2025. godinu**

I PREDMET POZIVA

Općina Centar Sarajevo je, postupajući u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj: 37/24), koje propisuju uslove, kriterije, obaveznu dokumentaciju te način komisijske evaluacije prijava, raspisala i utvrdila kriterije Javnog poziva za dodjelu finansijskih sredstava namijenjenih za podršku poslovanja fizičkih lica koji obavljaju trgovačku djelatnost na području Općine Centar Sarajevo za 2025. godinu.

Predmet Javnog poziva je prikupljanje zahtjeva i finansijska podrška fizičkim licima koji obavljaju trgovačku djelatnost na području Općine Centar Sarajevo.

Sredstva koja se dodjeljuju po ovom Javnom pozivu predstavljaju sredstva za finansiranje aktivnosti privrednih subjekata koji obavljaju ekonomsku djelatnost na tržištu, te u skladu sa navedenim korisnici dostavljaju izjavu o primljenim de minimis pomoćima i drugim državnim pomoćima.

Finansijska sredstva će biti dodijeljena u skladu sa raspoloživim sredstvima Budžeta Općine Centar Sarajevo za 2025. godinu, u maksimalnom iznosu do 650,00 KM po prijavi. Ukupan iznos sredstava planiranih za ovu namjenu u Budžetu za 2025. godinu iznosi 150.000,00 KM.

II CILJ POZIVA I NAMJENA SREDSTAVA

Cilj Javnog poziva je realizacija mjera finansijske podrške poslovanja fizičkih lica koji obavljaju trgovačku djelatnost na području Općine Centar Sarajevo. Finansijska sredstva, predviđena Javnim pozivom, namijenjena su za:

- a) Nabavku sirovina, repromaterijala, promociju djelatnosti, proizvoda i usluga;
- b) Plaćanje dospjelih obaveza (PIO/MIO, zdravstveno osiguranje uposlenih, zakup poslovnog prostora);
- c) Druge aktivnosti vezane za održivost i razvoj djelatnosti.

III PRAVO UČEŠĆA I KRITERIJI

Pravo učešća na Javnom pozivu imaju fizička lica koji obavljaju trgovačku djelatnost i koji ispunjavaju sljedeće opće kriterije:

- a) da je djelatnost registrovana za obavljanje trgovine na malo na jednom prodajnom mjestu (trgovačka radnja) ili trgovine na malo ličnim radom – trgovac pojedinac, u skladu sa Zakonom o unutrašnjoj trgovini ("Službene novine Federacije BiH", broj 87/24)
- b) da je sjedište djelatnosti registrirano na području Općine Centar Sarajevo;
- c) da su obaveze prema Općini Centar Sarajevo i dobijena sredstva po prethodnim Javnim pozivima/Programima/Projektima izmirena;
- d) da imaju otvoren i aktivan račun u banci, koji se vodi na ime registrovane djelatnosti.

IV SADRŽAJ POTREBNE DOKUMENTACIJE

(1) Uz popunjen Prijavni obrazac, aplikant je obavezan priložiti dokumentaciju kako slijedi:

- a) fotokopiju uvjerenja o poreskoj registraciji sa identifikacionim brojem,
- b) - specifikacije za utvrđivanje dohotka od samostalne djelatnosti (obrazac SPR-1053) za 2024. godinu **(za trgovce koji dohodak utvrđuju na osnovu poslovnih knjiga) ili**
- ovjerena kopija Rješenja kojim je odobreno plaćanje poreza na dohodak u mjesečnom paušalnom iznosu **(za trgovce pojedince koji porez na dohodak plaćaju paušalno)**
- c) original ili ovjerenu fotokopiju uvjerenja o izmirenim obavezama po osnovu poreza i doprinosa (izdat od strane Porezne uprave Federacije Bosne i Hercegovine),
- d) original ili ovjerenu fotokopiju uvjerenja o izmirenim obavezama poreza na dodatnu vrijednost ukoliko je podnosilac aplikacije PDV obveznik ili uvjerenje da nije PDV obveznik (izdat od strane Uprave za indirektno oporezivanje Bosne i Hercegovine),
- e) izjava o primljenim *de minimis* pomoćima i drugim državnim pomoćima
- f) original ili ovjerenu kopiju potvrde o otvorenom i aktivnom računu kod banke, koji se vodi na ime registrovane djelatnosti

(2) Originali ili ovjerene fotokopije, ne mogu biti starije od trideset (30) dana od dana apliciranja.

(3) Prijavni obrazac i prateću dokumentaciju možete preuzeti na sljedećem linku:
<http://www.centar.ba/stranica/javni-pozivi-konkursi-i-oglasi>

V NAČIN I ROK PODNOŠENJA ZAHTJEVA

Zahtjevi /prijave se podnose u zatvorenoj koverti direktno na protokol Općine Centar Sarajevo ili preporučeno putem pošte na adresu:

Općina Centar Sarajevo
Služba za LER i mjesnu samoupravu
Odsjek za LER
Mis Irbina 1
71000 Sarajevo

Javni poziv za dodjelu finansijskih sredstava namijenjenih podršci poslovanja fizičkih lica koji obavljaju trgovačku djelatnost na području Općine Centar Sarajevo za 2025. godinu

Na poledini koverta obavezno se navodi: ime i prezime aplikanta, naziv djelatnosti, adresa djelatnosti, kontakt telefon i ovjerava se pečatom djelatnosti.

Javni poziv otvoren je od 28.11.2025. godine do 15.12.2025. godine.

Zahtjevi/prijave primljene nakon isteka roka neće biti razmatrani.

VI POSTUPAK EVALUACIJE PRIJAVA, OBAVJEŠTAVANJE KANDIDATA I PODNOŠENJE PRIGOVORA

- (1) Za evaluaciju i validaciju pristiglih prijava nadležna i odgovorna je Komisija za izbor korisnika finansijskih sredstava namijenjenih za podršku poslovanja fizičkih lica koji obavljaju trgovačku djelatnost (u nastavku: Komisija) koju imenuje općinski načelnik.
- (2) Komisija se sastoji od najmanje tri člana iz reda državnih službenika.
- (3) Imenovani članovi Komisije su obavezni potpisati Izjavu o nepristranosti i povjerljivosti podataka kojom se potvrđuje ne postojanje sukoba interesa. Svaki član Komisije će biti isključen iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.
- (4) Komisija radi u punom sastavu i za svoj rad je odgovorna općinskom načelniku.
- (5) Komisija ima mogućnost da u skladu sa tačkom 47. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) kandidatu koji je dostavio nepotpunu prijavu dostavi obavijest o dopuni iste u roku od 3 dana od dana prijema obavijesti, ukoliko je kandidat u momentu podnošenja prijave učinio izvjesnim razloge zbog kojih nije mogao podnijeti potpunu prijavu ili ako je u prijavi uočena manja tehnička manjkavost.
- (6) Komisija ima zadatak da u skladu sa odredbama Pravilnika o uslovima i načinu dodjele finansijskih sredstava namijenjenih za podršku poslovanja fizičkih lica koji obavljaju trgovačku djelatnost na području Općine Centar Sarajevo (broj: 11/B-11-6737/25 od 27.11.2025. godine) i na osnovu propisanih kriterija objavljenih u Javnom pozivu izvrši vrednovanje dostavljenih prijava, sačini pismeni izvještaj sa utvrđenim Prijedlogom raspodjele sredstava i isti dostavi općinskom načelniku na saglasnost.
- (7) Na osnovu prijedloga Komisije, općinski načelnik će donijeti Odluku o dodjeli finansijskih sredstava namijenjenih za podršku poslovanja fizičkih lica koji obavljaju trgovačku djelatnost (u daljem tekstu: Odluka), te će ista biti objavljena na web stranici i oglasnoj ploči Općine Centar Sarajevo.
- (8) Na osnovu Odluke, općinski načelnik će sa odabranim Korisnicima zaključiti Ugovor o dodjeli finansijskih sredstava namijenjenih za podršku poslovanja fizičkih lica koji obavljaju trgovačku djelatnost.
- (9) Odobrena sredstva, prema Ugovoru i ugovornim obavezama, će biti uplaćena na transakcijski račun registrirane djelatnosti.
- (10) Učesnici na Javnom poziv, koji ne ostvare pravo na dodjelu finansijskih sredstava namijenjenih za podršku poslovanja fizičkih lica koji obavljaju trgovačku djelatnost, imaju pravo na prigovor. Za ulaganje eventualnih prigovora rok je 8 (osam) dana od dana objavljivanja Odluke.
- (11) Po isteku perioda za prigovore, iste razmatra Komisija koju posebnom Odlukom formira i imenuje općinski načelnik.
- (12) Rok za odlučivanje po svim uložnim prigovorima je 5 (pet) dana od dana primitka istih. Po isteku ovog roka, a na osnovu prijedloga Komisije za prigovore, općinski načelnik donosi konačnu Odluku.

VI OSTALE ODREDBE

U postupku po Javnom pozivu Općina Centar Sarajevo ne snosi nikakve troškove učesnika Javnog poziva. Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Sve dodatne informacije vezane za Javni poziv mogu se dobiti svakim radnim danom putem telefona: 033/223-269 i email-a: haris.vlajcic@centar.ba i dzanan.serdarevic@centar.ba

OPŠTINSKI NAČELNIK

Srđan Mandić